



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTO 0021372 21
Sarajevo, 21.05.2024.godine

SUD BOSNE I HERCEGOVINE
- Sudiji za prethodno saslušanje –
SARAJEVO

Na osnovu člana 35. stav 2. tačka i), člana 226. stav 1. i člana 227. Zakona o krivičnom postupku Bosne i Hercegovine, p o d i ž e m

OPTUŽNICU

PROTIV:

██████████ BOŠKA ĐURICA, zvanog „Bole“, ██████████ rodenog
██████████ 1972. godine u Gradačcu, ██████████
██████████ državljanina BiH i Republike Srbije, ██████████
██████████
██████████
██████████
██████████
██████████
██████████

██████████ DARKA ŠUPICA ██████████ rodenog ██████████ 1982. godine u
Brčkom, ██████████
državljanina BiH, ██████████
██████████
██████████

[REDACTED]

ĐOKE ŠUPICE, [REDACTED] rođenog [REDACTED] 1982. godine u
Brčkom, [REDACTED]
državljanina BiH, [REDACTED]

[REDACTED]

RADE PERIĆA, [REDACTED] rođenog [REDACTED] 2001. godine u
Doboju, [REDACTED] državljanin BiH, [REDACTED]

[REDACTED]

DARKA MIŠIĆA zvanog „Maraš“ i „Čvare“, [REDACTED]
[REDACTED] rođenog [REDACTED] 1986. godine u Vlasenici, [REDACTED]
državljanina BiH, [REDACTED]

[REDACTED]

[REDACTED]
[REDACTED]
[REDACTED]
[REDACTED]

Što su:

1. Boško Đurić, Darko Šupica, Đoko Šupica i Rado Perić, zajedno

Darko Šupica, Đoko Šupica i Rade Perić kao pripadnici grupe za krijumčarenje ljudi u smislu člana 1. stav 20. KZ BiH, koju je organizovao Boško Đurić u periodu od 06.02.2022.godine do 08.02.2022.godine, radi sticanje protivpravne imovinske koristi, postupajući po uputama organizatora svoje grupe Boška Đurića, prihvatili i smještali u BiH strane državljane Republike Turske s ciljem njihovog nezakonitog prevođenja preko državne granice za zemlje EU, gdje je organizator grupe Boško Đurić koristeći teretna motorna vozila pravnih lica u njegovom vlasništvu, ostvario dogovor sa njemu poznatom osobom radi nezakonitog prevođenja više lica preko državne granice, za iznos od 600 EUR po krijumčarenom licu, te je angažovao druge članove grupe i dodijelio im zadatke prihvata, smještaja i prevoza krijumčarenih lica, postupajući protivno članu 6. Protokola protiv krijumčarenja migranata kopnenim, morskim i vazdušnim putem kojim se dopunjuje Konvencija UN protiv transnacionalnog organizovanog kriminala („Sl. glasnik BiH“, br. 3/02) i članu 7. stav 2. Zakona o graničnoj kontroli („Sl. glasnik BiH“, br. 53/09, 54/10 i 47/14), protivno članu 8. i članu 15. Zakonu o strancima („Službeni glasnik BiH“, br. 88/15, 34/21 i 63/23), a ovo sve na način da su postupali po unaprijed isplaniranim i podijeljenim ulogama, tako što su:

Nakon što je Boško Đurić ostvario dogovor sa njemu poznatim licem da se nezakonito prevede grupa državljana Republike Turske koji su se nalazili u Tuzli, angažovao Rade Perića koji je dana 06.02.2022.godine dovezao se u Tuzlu kombijem bijele boje marke Fiat Dukato, registarskih oznaka [REDACTED], u pratnji vozila Golf V tamnoplave boje, registarskih oznaka [REDACTED], kojim upravlja [REDACTED] lice, gdje je potom iz pansiona [REDACTED] u Tuzli preuzeo ukupno 26 turskih državljana među kojima su [REDACTED]

[REDACTED] da bi se potom uputio vozeći prema Srebreniku, zatim kroz mjesto Srnica regionalnim putem R 460, dolazeći do mjesta Srnava u naselju Skugrić, općina Modriča, gdje po uputama organizatora Boška Đurića, ostavlja i smješta prevezena lica u napuštenoj kući gdje ostaju 24 sata, nakon čega Rade Perić po uputama organizatora Boška Đurića ponovno dolazi dana 07.02.2022.godine oko 21,40 sati, sa kombi vozilom i prevozi ih do kamiona koji se nalazio parkiran na parking prostoru kod napuštenog skladišta [REDACTED] u Modriči, gdje se nalaze Boško Đurić i osobe koje je organizator angažovao za prevoz stranih državljana, vozači Darko Šupica i Đoko Šupica, gdje su od doveženih lica stranih državljana prilikom ulaska u kamion uzete putne isprave, a potom su ukrcani u tovarni dio kamiona, kojim upravljaju Darko Šupica kao vozač i Đoko Šupica kao suvozač, da bi dolaskom na MGP Šamac dana 08.02.2022.godine u 00,45 sati, prilikom pregleda kamiona u istom bila otkrivena krijumčarena lica koja su se nalazila skrivena u teretnom motornom vozilu marke

Mercedes, Actros registarskih oznaka [REDACTED] sa priključnim vozilom registarskih oznaka [REDACTED], koja vozila su u faktičkom vlasništvu organizatora grupe Boška Đurića, kojom prilikom su pronađeni krijumčareni državljani Republike Turske njih 26 i to: [REDACTED]

[REDACTED], nakon čega su istog dana 08.02.2022.godine po zaprimanju informacija o mjestu utovara krijumčarenih lica od strane pripadnika policijske stanica Modriča, pronađeni pasoši krijumčarenih turskih državljana prilikom vršenja uviđaja na lokaciji [REDACTED] općina Modriča u podrumu napuštene kuće.

Dakle,

u namjeri pribavljanja protupravne imovinske koristi organizovali i postali pripadnici grupe ili drugog udruženja za izvršenje krivičnog djela krijumčarenje migranata, a radi prihvata, prevoženja i omogućavanja boravka krijumčarenih lica u BiH, te njihovog nezakonitog prevođenja preko državne granice.

Čime su:

Boško Đurić, počinio krivično djelo Organiziranje grupe ili udruženja za izvršenje krivičnog djela krijumčarenje migranata iz člana 189a. stav 1. KZ BiH u vezi krivičnog djela Krijumčarenja ljudi iz člana 189. stav 1. i 2. KZ BiH, i sve u vezi člana 26. i 29. istog Zakona.

Darko Šupica, Đoko Šupica i Rade Perić počinili krivično djelo Organiziranje grupe ili udruženja za izvršenje krivičnog djela krijumčarenje migranata iz člana 189a. stav 2. KZ BiH u vezi krivičnog djela Krijumčarenja ljudi iz člana 189. stav 1. i 2. KZ BiH, i sve u vezi sa članom 26. i 29. istog Zakona.

2. Darko Mišić

Dana 21.01.2022.godine, Darko Mišić nakon prethodnog dogovara sa njemu poznatim osobama, radi sticanja imovinske koristi, dogovorio nezakonito prevođenje stranih državljana preko državne granice, postupajući protivno članu 6. Protokola protiv krijumčarenja migranata, kopnenim, morskim i vazdušnim putem kojim se dopunjuje Konvencija UN protiv transnacionalnog organiziranog kriminala („Službeni glasnik BiH“ broj 3/02) i članu 7. stav 2. Zakona o Graničnoj kontroli („Službeni glasnik BiH“ broj 53/09, 54/10 i 47/14), tako što je strane državljanke Turske njih pet [REDACTED] i jednog državljana Pakistana [REDACTED] preuzeo u vozilo marke Mazda reg oznaka [REDACTED] na njemu poznatoj lokaciji na području Sarajeva i krenuo prema Posušju, na njemu poznatu lokaciju kako bi prevožena lica mogla preći državnu granicu na mjestu koje nije predviđeno za prelazak državne granice, da bi istog dana bio zaustavljen i kontrolisan od strane pripadnika JGP Gorica, u neposrednoj blizini državne granice, u graničnom pojasu, Sektor A2, mjesto Vinjani, općina Posušje, gdje je utvrđeno od strane pripadnika granične policije da se u vozilu kojim je upravljao Darko Mišić nalazilo 5 stranih lica i to: [REDACTED]

